

მ ე მ ო რ ა ნ დ უ მ ი

საქართველოს ტექნიკური უნივერსიტეტის

და გრიგოლ წულუკიძის სამთო ინსტიტუტის

ურთიერთთანამშრომლობის შესახებ

საქართველოს ტექნიკური უნივერსიტეტი (შემდგომში „უნივერსიტეტი“), წარმოდგენილი რექტორის პროფესორ არჩილ ფრანგიშვილის სახით და მეორეს მხრივ, გრიგოლ წულუკიძის სამთო ინსტიტუტი (შემდგომში „ინსტიტუტი“), წარმოდგენილი დირექტორის, დოქტორ ნიკოლოზ ჩიხრაძის სახით (შემდგომში „მხარეები“), ისწრაფვიან რა ურთიერთობების განვითარებისა და განმტკიცებისაკენ, იღებენ რა მხედველობაში სამეცნიერო თანამშრომლობაში ორმხრივ დაინტერესებას, აცნობიერებენ რა ფიზიკის, მასალათმცოდნეობისა და სამთო ტექნოლოგიების მიმართულებებით ქართული სამეცნიერო სკოლების ტრადიციებსა და მიღწევებს, ახალგაზრდა თაობების განათლების სფეროში საუნივერსიტეტო და აკადემიური ინსტიტუტების მჭიდრო თანამშრომლობის მნიშვნელობასა და აუცილებლობას,

თანხმდებიან შემდეგზე:

მუხლი 1

წახალისებენ ურთიერთობათა განვითარებას სამთო ტექნოლოგიების, ფიზიკისა და მასალათმცოდნეობის მიმართულებებით მეცნიერებისა და განათლების სფეროში და განახორციელებენ თანამშრომლობას ორმხრივი ინტერესების გათვალისწინებით.

მუხლი 2

„მხარეები“ ყოველმხრივ შეუწყობენ ხელს თანასწორუფლებიანი თანამშრომლობის განვითარებას და განახორციელებენ ურთიერთსანაცვლო ვალდებულებებს:

„უნივერსიტეტი“ უზრუნველყოფს:

- „ინსტიტუტის“ თანამშრომელთა შრომების პოპულარიზაციას თავად და არსებულ უნივერსიტეტებში;
- „ინსტიტუტის“ მეცნიერ-თანამშრომელთა საჯარო ლექციების წაკითხვას „უნივერსიტეტში“;
- მოთხოვნის შესაბამისად აუდიტორიების, სალექციო და საკონფერენციო დარბაზების გამოყოფას ინსტიტუტის საჭიროებისათვის;
- „უნივერსიტეტის“ საბიბლიოთეკო ფონდით სარგებლობას „ინსტიტუტის“ თანამშრომელთათვის;
- „უნივერსიტეტის“ სასპორტო და კულტურის ბაზების გამოყოფას „ინსტიტუტის“ საჭიროებისათვის.

თავის მხრივ „ინსტიტუტი“ კისრულობს, რა „უნივერსიტეტისათვის“ ფიზიკის, სამთო ტექნოლოგიებისა და მასალათმცოდნეობის მიმართულებებით საბაზო სამეცნიერო დაწესებულებების როლის შესრულებას, იღებს ვალდებულებას ინტელექტუალური და მატერიალურ-ტექნიკური ძალების სრული გამოყენებით:

- დაამყაროს სამხრივი სამეცნიერო ურთიერთობები მსოფლიოს წამყვან უნივერსიტეტებთან და კვლევით ცენტრებთან ერთობლივი კვლევისა და სამეცნიერო პროექტების შესასრულებლად;
- ითანამშრომლოს „უნივერსიტეტთან“ ფიზიკის, სამთო ტექნოლოგიებისა და მასალათმცოდნეობის მიმართულებებით ბაკალავრიატის, მაგისტრატურისა და დოქტორანტურის საგანმანათლებლო პროგრამების განხორციელებაში. საჭიროების შემთხვევაში შესაძლებელია მაგისტრანტთა და დოქტორანტთა ერთობლივი ხელმძღვანელობა;
- უზრუნველყოს თითოეულ ეტაპზე „უნივერსიტეტის“ დოქტორანტები და დოქტორანტურის პროგრამა შესაბამისი სამეცნიერო ბაზით;
- მიეცეს საშუალება „უნივერსიტეტის“ სტუდენტებს და პროფესორებს ისარგებლონ „ინსტიტუტის“ სამეცნიერო ბიბლიოთეკით.

მუხლი 3

წინამდებარე მემორანდუმის შესრულებასა და განმარტებასთან დაკავშირებული სადავო საკითხები გადაიჭრება კონსულტაციებისა და მოლაპარაკებების გზით.

მუხლი 4

წინამდებარე მემორანდუმში მხარეთა ორმხრივი შეთანხმების საფუძველზე შეიძლება შეტანილ იქნას ცვლილებები და დამატებები.

მუხლი 5

ეს მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ რაიმე სხვა გადაწყვეტილების მიღებამდე.


ურთიერთთანამშრომლობის მემორანდუმი შედგენილია ქალაქ თბილისში 2011 წლის 1 ივნისს ქართულ ენაზე თანაბარი იურიდიული ძალის მქონე ორ ეგზემპლარად და ინახება მხარეებთან.

„საქართველოს ტექნიკური უნივერსიტეტის“
რექტორი




(არჩილ ფრანგიშვილი)

გ. წულუკიძის სამთო ინსტიტუტის
დირექტორი



(ნიკოლოზ ჩხრამციანი)
